

余重校輯

陽明先生傳纂

附陽明弟子傳纂

諸暨余重耀輯

陽明先生傳纂

附陽明弟子傳纂

上海中華書局出版

民國十二年十二月再發行
民國十三年三月再發行



總發行所

分發行所

上海棋盤街

北京天津保定石家莊張家口濟南
東昌煙台太原開封鄭州西安南京
徐州杭州安慶蕪湖南昌九江漢口
武昌沙市長沙衡州常德成都重慶
福州廈門廣州汕頭雲南貴陽
奉天吉林長春新加坡

編輯者
發行所
印刷者
印刷所

國學叢書 陽明先生傳纂(全一册)

定價銀九角

(外埠另加郵匯費)

諸暨余重耀

中華書局

中華書局

上海靜安寺路一九二號
中華書局

中華書局

中華書局

陽明先生傳及陽明先生弟子錄序

陽明先生百世之師。去今未遠。而譜傳存世者。殊不足以饜吾儕望。集中所附年譜諸本。雖有異同。率皆以李卓吾所編次爲藍本。卓吾之雜駁誕詭。天下共見。故譜中神話盈幅。尊先生而適以誣之。若乃事爲之犖犖大者。則泰半以爲粗迹而不厝意也。梨洲明儒學案。千古絕作。其書固以發明王學爲職志。然詳於言論。略於行事。蓋體例然也。其王門著籍弟子。搜采雖勤。湮沒者亦且不少。餘姚邵念魯。廷采。嘗作陽明王子傳。王門弟子傳。號稱博洽。未得見。不識視梨洲何如。且不知其書今尙存焉否也。居恒服膺孟子知人論世之義。以謂欲治一家之學。必先審知其身世之所經歷。蓋百家皆然。況於陽明先生者。以知行合一爲教。其表見於事爲者。正其學術精詣所醇化也。綜其出處進退之節。觀其臨大事所以因應者之條理本末。然後其人格之全部。乃躍如與吾儕相接。此必非徒記載語錄之所能盡也。鐵山斯傳。網羅至博。而別裁至嚴。其最難能者。於贛閩治盜及宸濠思田諸役。情節至繁。蹟紛紜者。一一鉤稽爬梳。而行以極廉銳極飛盪之文。使讀者如與先生相對。畢然見大儒之精義入神以致用者如是也。其弟子傳。則掇拾叢殘於佚集方

志用力之艱。什伯梨洲。而發潛之效過之。蓋二書成。而姚江墜緒復續於今日矣。抑吾尤有望於鐵山者。吾生平最喜王白田朱子年譜。以謂欲治朱學。此其梯航。彼蓋於言論及行事兩致重焉。鐵山斯傳。正史中傳體也。不得不務謹嚴。於先生之問學與年俱進者。雖見其概而未之盡也。更依白田例重定一年譜。以論學語之精要者入焉。弟子著籍。歲月有可考者。皆從而次之。得彼與斯傳並行。則誦法姚江者。執卷以求。如歷階而升也。鐵山倘有意乎。

民國十二年三月新會梁啟超

陽明先生傳纂自序

陽明先生沒垂四百年。世變如是其益亟也。學說如是其滋衆也。國事如是其綢繆也。道德如是其淪蕩也。人心如是其披猖也。上無道揆。下無法守。雖有賢哲。不能不遑廻於屯難之交。而徐以俟貞元之運。然則先生設處斯世。將聚徒講學。以著述傳後而已耶。抑蒿目而憂世患。心醉六經。目營四海。不徒託諸空言。而必見之於行事耶。頌其詩。讀其書。夷考其行。其必無待而興。自任以天下之重可知也。黃漳浦曰。先生才與孟等。而進於伊。故其德業事功。皆近於伊。而進於孟。今舉世方囂囂然用異幟相尙。率以舊坊爲無用。而壞之。獨先生之學。行遠彌光。昭昭若揭。日月渡海而齋於東瀛。亦旣明效大驗矣。於是吾國承學之士。翕然咸誦法陽明。顧全集浩繁。其軼或時時見於他書。昔施忠愍分理學經濟文章爲三編。耀竊欲合理學經濟文章爲一事。故於先生之嘉言懿行。公私傳記之所不詳者。開卷有得。未嘗不三致意焉。劉知幾曰。除繁則意有所恡。畢載則言有所妨。爰仿高似孫剡錄之例。纂輯羣書。成此傳本。而以弟子之親炙。及再傳之尤著者。別爲一編。後有君子。以覽觀焉。或曰。子誠越人也。知越中先賢而已矣。則謏陋之譏。所不敢辭。庶海內閭

陽明先生傳纂 自序

識博聞之士。糾而正之。癸亥端陽後學諸暨余重耀自序

例言

明史館分題。尤西堂圖得王文成。撰爲列傳。事蹟略焉。且輕訾其講學。及考橫雲山人明史藁。雖小有異同。而敘龍場之化夷。涇頭之奏捷。其失也簡。與明史同。毛西河草搆傳本。敘述較詳矣。而攷之他書。時有牴牾。雖黃久庵之行狀。錢緒山之年譜。及門紀錄。尙多舛焉。爰考羣書。纂成傳本。而條分年譜。以繫之。紀事爲綱。編年爲目。輯錄悉据原文。不敢妄作也。考證所資。旁蒐附錄。間或識小。以按別之。若以語於撰述之事。余小子。夫豈敢。辛酉仲冬。後學余重耀。

陽明先生傳纂目錄

卷一

傳纂一

卷二

傳纂二

卷三

傳纂三

卷四

傳纂四

卷五附錄

毛西河折客辨學文

彭南昫姚江釋毀錄

陽明先生著書

陽明祠祀

陽明遺跡

陽明先生傳纂卷一

後學諸暨余重耀輯

傳纂一

陽明先生王公守仁、字伯安、其先瑯琊人、晉光祿大夫覽後、覽曾孫羲之、少隨父曠渡江、家建康、不樂、徙會稽、其後徙剡之華塘、又徙石堰、徙達溪、有曰壽者、徙餘姚、六世祖綱、字性常、博學善識鑑、有文武才、與永嘉高則誠宗人高元章括蒼劉伯溫友善、仕明爲廣東參議、死苗難、据行狀、廟祀增城、据年譜、五世祖彥達、號祕湖漁隱、有孝行、据行狀、痛父之死、終身不仕、据胡儼遜傳、高祖與準、字公度、据胡儼遜傳、號遜石翁、精究禮易、著易微數千言、据行狀、曾祖傑、字世傑、自號槐里子、据戚瀾槐里先生傳、以明經爲太學生、据行狀、祖倫、字天弼、學者稱竹軒先生、据魏瀚竹軒先生傳、著竹軒藁、江湖藁、据年譜、父華、字德輝、號實菴、晚號海日翁、嘗讀書龍泉山、學者稱龍山先生、据楊一清海日先生墓誌銘、成化十七年進士第一、授修撰、弘治中累官學士、少詹事、華有器度、在講幄最久、孝宗甚眷之、据列傳、內侍李廣者方貴幸、据陸深海日先生行狀、華講大學衍義、至唐李輔國與張后表裏用事、指陳甚切、帝命中官賜食勞焉、据列傳、尋擢禮部右侍郎、

據明史葉正德初進禮部左侍郎以先生忤劉瑾出爲南京吏部尙書坐事罷旋以會典小誤降右侍郎瑾敗乃復故無何卒華性孝母岑年踰百歲卒華已年七十餘猶寢苦蔬食士論多之

傳

按張壹民王性常先生傳胡儼遜石先生傳戚瀾槐里先生傳魏瀚竹軒先生傳楊一清海日先生墓誌銘陸深海日先生行狀均見先生全書三十七卷世德紀中蓋累世以儒顯以孝稱故略述之以見先生明德之有自也

又按年譜行狀均謂先生爲王覽之裔而右軍將軍羲之之後甘泉墓志亦云推其遙遙遠派於晉高士羲之光祿大夫覽焉按先生紀夢詩序云正德庚辰八月廿八夕臥小閣忽夢晉忠臣郭景純氏以詩示予且極言王導之奸謂世之人徒知王敦之逆而不知王導實陰主之其言甚長不能盡錄覺而書其所示詩於壁復爲詩以紀其畧嗟乎今距景純若干年矣非有實惡深冤鬱結而未暴寧有數千載之下尙懷憤不平若是者耶是先生似深信夢兆而暴導之奸矣按導爲覽孫羲之則導之從子也夢果非幻景純何以訴之於其族裔而先生亦絕不爲尊者諱耶按此篇與下火秀宮詩均託夢游以寄其嫉邪刺讒之意與黃樓聽濤夢見子瞻同一微旨無可疑者但借王茂弘

以斥奸爲可異耳。

母鄭夫人、孕十四月而生先生。据行狀祖母岑。据年譜夢神人自雲中送兒下。因名雲。五歲不能言。異人拊之。更名守仁。乃言。据列傳少有異稟。嘗問塾師曰。何爲讀書。曰。取甲第耳。曰。讀書當爲聖賢。僅取甲第耶。据毛傳本

年譜、憲宗成化八年壬辰九月丁亥、先生生、

九月三十日、太夫人鄭、娠十四月、祖母岑、夢神人衣緋玉、雲中鼓吹送兒授岑、驚驚聞啼聲、祖竹軒公異之、即以雲名、鄉人指所生樓曰瑞雲樓、

成化九年癸巳、先生二歲、

成化十年甲午、先生三歲、

成化十一年乙未、先生四歲、

成化十二年丙申、先生五歲、

先生五歲不言、有神僧過之曰、好箇孩兒、可惜道破、竹軒公悟、更今名、即能言、

成化十三年丁酉、先生六歲、

成化十四年戊戌、先生七歲、

成化十五年己亥、先生八歲、

成化十六年庚子先生九歲

成化十七年辛丑先生十歲皆在越

是歲龍山公舉進士第一

成化十八年壬寅先生十一歲寓京師

龍山公迎養竹軒翁因攜先生如京師先生年纔十一過金山寺客賦詩未成先生賦曰金山一點大如拳打破維揚水底天醉倚妙高臺上月玉簫吹徹洞龍眠客大驚復命賦蔽月山房詩先生隨口應曰山近月遠覺月小便道此山大於月若人有眼大如天還見山高月更闊先生豪邁不羈龍山公憂之惟竹軒公知之一日與同學游長安街遇一相士曰吾爲爾相爾鬚拂頰其時入聖境鬚至上丹臺其時入聖胎鬚至下丹田其時聖果圓先生感其言自後每對書輒靜坐凝思嘗問塾師曰何爲第一等事曰讀書登第先生曰此恐未爲第一或讀書學聖賢耳

成化十九年癸卯先生十二歲

成化二十年甲辰先生十三歲寓京師

母太夫人鄭氏卒

成化二十一年乙巳先生十四歲

十五隨父官京師据毛傳本訪客居庸山海關時闌出塞据列傳與諸屬國夷角射据明叢書縱觀山

川形勝傳

年譜成化二十二年丙午先生十五歲寓京師

時石英王勇起畿內、石和尚劉千斤亂秦中、先生出游居庸三關、慨然有經略四方之志、歷詢諸豪種落、逐胡兒騎射。經月始返。曾夢謁馬伏波將軍廟、賦詩曰、卷甲歸來馬伏波。早年兵法鬚毛磨。雲埋銅柱雷轟折。六字題文尙不磨。

毛大可曰、按石和尚劉千斤、在成化二年作亂。越一年遂平。又越五年至八年而公始生。又况石劉之亂、祇在河南南陽間、與居庸無涉。黃綰行狀、錢德洪年譜、誕甚。

成化二十三年丁未、先生十六年。

孝宗弘治元年戊申、先生十七歲、在越。

七月、親迎夫人諸氏於洪都、時外舅諸養和、爲江西布政司參議、先生就官署委禽、合卺之日、偶行入鐵柱宮、遇道士聞養生術、相對忘歸。

弘治二年己酉、先生十八歲、寓江西。

十二月、夫人諸氏歸餘姚、舟至廣信、謁婁一齋諒、語宋儒格物之學、謂聖人必可學而至。遂深契之。是年先生始慕聖學。

耀按明張陶庵越中三不朽圖贊云、公初從上饒婁諒論學、又從許璋知兵法、璋上虞人、爲文成塾師、教以奇門遁甲諸書、及武侯陣法、文成撫江右、囑曰、勿錯忍客星、及宸濠將叛、遣子貽以棗梨江荳西瓜、文成驚悟、出查亂兵、遂不及難、後得誅反擒王、皆先生力也。又按上虞縣志云、璋字半圭、凡天文地理及孫吳韜略奇門九遁之術、靡不精曉、文成養痾陽明洞、惟與璋輩一二山人、恭參道妙、其後擒宸濠成功歸、每乘筇輿訪

璋山下。一日值璋苦屋。揮令坐大樹石傍。從容卒業。嘗曰。帝星今在楚。數年後君當自見。蓋應在世廟也。岑孟爲梗。詔文成督兵討之。走璋。問計曰。撫之便。卒用其言。得孟。遺之金帛。不受。欲薦之於朝。曰。爵賞非吾願。何以相強。年七十餘卒。文成以文哭之。題其墓曰。處士許璋之墓。不言其爲文成塾師也。攷明史張嶺傳。言嶺以爭拓府第事。宸濠饋以棗梨薑茶。蓋隱語也。兩事相類。殆出傳聞之誤。至以平濠之功。歸之於璋。似未免過當矣。惟其人奇士。陽明嘗從之游。無疑也。世言方朔奇。奇事皆歸方朔。則文人好異之故耳。

弘治三年庚戌。先生十九歲。

龍山公以外艱歸姚。命從弟冕陪宮及妹壻牧相與先生講析經義。

弱冠舉鄉試。學大進。顧益好言兵。且善射。

傳

登弘治十二年進士。

傳

乃以工部觀政。

使治威寧王越葬事。

傳

先生少時夢越贈之劍。

史

事竣。其子出威寧所佩劍爲謝。光

芒璀璨。先生捧得。劍如夙購者。

傳

先生益自喜。還而朝議方急西北邊。

史

乃慷慨作

籌邊八事。上之。其言皆剴切。報聞。授刑部雲南司主事。決江北囚。尋引疾歸里。

傳

先是

先生善爲文。與太原喬宇。廣信江俊。泰州儲燧。河南李夢陽。何景明。山東邊貢。相切劘。皆

以古今文著名於時。至是以疾已來京。道山東。巡按御史陸偁薦之。主山東鄉試。其程式文爲諸省冠。且所得多顯名士。及至京。補兵部武選司主事。傳本

年譜弘治四年辛亥。先生二十歲。

弘治五年壬子。先生二十一歲。在越。

舉浙江鄉試。是年場中夜半。見二巨人各衣緋綠東西立。大言曰。三人好作事。已忽不見。其後宸濠之變。胡尙書世寧發其奸。孫忠烈燧死其難。而先生平之。皆同榜也。是年爲宋儒格物之學。

按嘉靖浙江通志云。同仁祠在祥符橋畔。嘉靖十七年建。祀孫燧王守仁胡世寧。

明唐龍同仁祠記云。濠之始爲亂。納賂京師。要權近習。中鞠禍心。外播凶虐。衆怒如水。火。端敏爲按察副使。憤曰。惡茂哉。不可長哉。遂列其罪狀聞於朝。張射壩之器。定曲突之謀。忠之道也。乃下錦衣獄。而遼陽之戍。竟弗少原。然自此。濠之心。路人皆知之。而濠其殆矣。忠烈以巡撫至。密樹隄防。翦其羽翼。豈嘗一日忘濠者。濠迄弗悔禍。卒逞焉。首以威劫庶府。忠烈仰指天曰。矢無二心。挺身白刃。腋且折。罵不息口。所以奪濠之魄者。固懷如也。已而烏合十萬。弄兵長江。會陽明以都御史提督軍務。倡揭華旗。呼集義旅。批擣巢穴。濠震懼。乃回順流之棹。我洸洸迎而擊之。斃濠若孤豚。然洪都底定。浙亦解嚴。是故濠之平。端敏發厥始。忠烈陽明成厥終也。仁者正誼不謀利。殺身無求生。三公